

四庫全書

集部

欽定四庫全書

御定歷代題畫詩類卷一百十五目錄

宮室類

諸子將築室以畫圖相示

宋蘇轍三首

題李公麟山莊圖

宋蘇轍二十首

次朱元晦韻題嚴居厚溪莊圖

宋陸游

題嚴居厚溪莊圖

宋朱子

墨莊圖

宋朱子五首

野莊圖

元王惲三首

題董承旨野莊圖

元張伯淳

題張季雲先生山莊圖

元王惲三首

雨後山莊圖

元范梈

題莫氏山莊圖

元黃潛

題玉山中錢舜舉畫五柳莊圖

元張天英

題梅莊圖

明華幼武

題汪季路太丞魏野草堂圖

宋楊萬里

題橋南堂圖

宋陸游

題武教授峨眉山谿堂圖

元王恽

四郊草堂圖

元虞集四首

題劉生庸道五莊草堂圖

元貢師泰

題良常草堂圖

元倪瓚

韋羌草堂圖

元倪瓚

陳履元畫玉山草堂

元鄭元祐

題錢伯珍所藏草堂圖

元釋良琦

徐雪舟為畫藍礪草堂圖

明藍智

題彭氏背郭草堂圖

明劉崧

題黃典籍東州草堂圖

明陳思孝

趙松雪怡樂堂圖

元鄒文原

題趙松雪怡樂堂圖

元張雨

題九靈山房圖

元郭柱實克

九靈山房圖

元丁鶴年

題五龍山房圖

明僧宗泐

題唐子華畫王師魯尚書石田山房

元張翥

題黃都事仲綱山居溪閣圖

元虞集二首

王叔明為陳惟允天香書屋圖

元黃公望

題劉生庸道竹林書室圖

元貢師泰

竹谿草堂圖

元舒頔

鳴山書舍圖

明高啟

蜀山書舍圖

明高啟

蜀山書舍圖

明徐賁

竹雪書房圖

明楊榮

題李景昌竹間書舍圖

明于謙

柳塘書舍圖

明李德

題蔡文翰墨溪書屋圖

明廖道南

題孺山書屋圖

明王世貞

題東洋書屋卷

明王世懋二首

倣子久秋山書屋

明李日華

龍門茶屋圖

元倪瓚

石田茅屋圖

明 蘇縉

題伯穎雲林茅屋圖

明 藍仁

題徐都憲小邨竹屋卷

明 李東陽

題弋陽巖山精舍圖

元 袁桷

吳儁仲傑橫河精舍圖

元 張翥

賦德機荆南精舍圖

元 倪瓚

上虞魏氏湖上精舍圖

元 陳樵

虎丘老僧有竹林精舍文伯仁為圖之王履吉書



疏於後余游竹林僧出示此卷履吉下世已三十載矣為之慨然因成此詩

明王世貞

題曹氏春江雲舍圖

元華幼武

題朱澤民荆南舊業圖

明高啓

為黃伯昂題君山別業畫卷

明程本立

御定歷代題畫詩類卷一百十五目錄

欽定四庫全書

御定歷代題畫詩類卷一百十五

宮室類

諸子將築室以畫圖相示

三首

宋蘇轍

還家卜築初無地隨分經營似有時  
多斫修篁終未忍略存古柏更無疑  
畫圖且作百間計入室猶應三歲期  
得到安居真老矣一生歌哭任於斯

舊廬近已借諸子新宅分甘臨老時  
萬里松楸終獨往

四方兄弟亦何疑竹間疎戶幽人到林上長松野鶴期  
已覺高軒慙衛賜可憐黃犬哭秦斯

積因得果通三世臨老長閒自一時久爾觀心終未悟  
偶然見道了無疑南遷北返吾何病片瓦尺椽天與期  
自斷此生今已矣世間何物更如斯

題李公麟山莊圖

并序

宋蘇轍

伯時作龍眠山莊圖由建德館至垂雲汧著錄者十  
六處自西而東凡數里巖崿隱見泉源相屬山行者

路窮於此道南溪山清深秀峙可游者有四曰勝金  
巖寶華巖陳彭添鵲源以其不可緒見也故特著於  
後子瞻既為之記又屬轍賦小詩凡二十章以繼摩  
詰輞川之作云

建德館

龍眠淥淨中微吟作雲雨幽人建德居知是清風主

墨禪堂

此心初無住每與物皆禪如何一丸墨舒卷化山川

華嚴堂

佛口如瀾翻初無一正定畫作正定看於何是佛性

雲薌閣

清溪便種稻秋晚連雲熟不待見新春西風薌自足

發真塢

山開稍有路水放亦成川游人得所息真意方澹然

薌茅館

山居少華麗牽茅結淨屋此間不受塵幽人亦新沐

瓔珞巖

泉流逢石缺，脈散成寶網。水作瓔珞看，山是如來想。

棲雲室

石室空無主，浮雲自去來。人間春雨足，歸意帶風雷。

秘金庵

世道自破碎，全理未嘗違。溪山亦何有，永覺平日非。

延華洞

共恨春不長，逡巡就搖落。一見洞中天，真知世間惡。

澄元谷

石門日不下潭鏡月長臨細細溪風渡相看識此心

雨花巖

巖花不可攀翔蕊久未墮忽下幽人前知予觀空坐

泠泠谷

層崖落飛泉微風泛喬木坐遣谷中人家家有琴筑

玉龍峽

白龍晝飲潭修尾挂石壁幽人欲下看雨電晴相射

觀音巖

倚崖開翠屏臨潭置苔石有所獨無人君心得未得

垂雲泚

未見垂雲泚其如歸興何路窮雙足熱為我洗盤陀

勝金巖

置馬步巖間巖前得平地有蔬取行簾粗飽有遺味

寶華巖

團團寶華巖重重陰珍木歸來得商鼎試浴溪邊綠



陳彭澤

蒼壁立精鐵縣泉湧天紳山行見已久指與未來人

鵲源

溪深龜魚驕口瘦椿楠勁借子木蘭船寬我芒屨病

次朱元晦韻題嚴居厚溪莊圖

宋陸游

鶴俸元知不療窮葉舟還入亂雲中溪莊直下秋千頃

贏得閒身伴釣翁

題嚴居厚溪莊圖

宋朱子

平日生涯一短蓬，只今回首畫圖中。  
平章箇裏無窮事，要見三山老放翁。

墨莊圖

五首

宋朱子

墨莊

詩書啓山林，德義久儲積。嗣世知有人，新畬更開闢。

冽軒

窗開深井泉，窈窕千丈碧。何幸且淵澄，無勞遽心惻。

靜春堂

幽人本何心偶此翳環堵隱几亦何言光風遍寰宇

玩易齋

竹几橫陳處韋編半掩時寥寥千古意此地有深期

君子亭

倚杖臨寒水披襟立晚風相逢數君子為我說廉翁

野莊圖

三首  
有序

元  
王 惲

承旨董公繪野莊為圖求諸賢題詠中齋草序以同人致亨晦叔撰銘以擬倫藻美恐未盡公臆之所在

若夫士君子出處固皆有命不可以遲速工拙為言  
然當得時行道靜退之心何嘗食頃而不在懷也以  
艱於自云必託物以表其志雖未能挂冠神武歛裳  
宵逝較之鐘鳴漏盡不已於行者猶賢乎已喜為賦  
詩初弗計其不自量也其辭曰

午橋吟醉平淮後商嶺鴻冥定漢餘正恐野莊歸未遂  
九重思治望新書

老筆鍊餘詩律細事機諳久宦情疎輞川圖上王摩詰

靜退為心是本初

寶珠換却杖頭鳩空見秋瓜憶故丘  
白首相看官舍底  
晚年心事轉優游

題董承旨野莊圖

元張伯淳

古人志道義但覺利祿輕朝市亦足隱何必求郊垌  
論心不論迹乃稱人物評董公廊廟器一門富簪纓  
石張漢世胄崔郭唐家聲筆下翻波瀾胸中韜甲兵  
黃閣政柄舉烏臺公道行征謀與治法和氣與威稜  
隨施無不

宜因物以賦形詞林日月間班高地望清公餘埽俗軌  
窗草階苔青樓臺雖無地詩禮勝金巖田園雖荒薄松  
菊還欣榮有時論國事膽張目增明使公遯江湖秉心  
亦朝廷所志真在隱非必身歸耕野莊視綠野他年定  
齊名

題張季雲先生山莊圖

三首

元 王 惲

儒將風流素所期兒時幾讀霽雲碑誰能更繼中丞後  
喜對張卿賦此詩

却馬巖居是素懷莫嗟終老未曾諧天教一段幽清氣  
散作恩威震兩淮

思長本與風雲會山迴空圍水竹幽說似野猿亭際望  
建封勲業在徐州

雨後山莊圖

元  
范  
梈

川容麗過雨百谷會新流溪路淩高轉佳木鳥鳴幽我  
田橫岫下黍稷歲可收不謂有生意乃復見將秋時從  
野老飲歡語載道周宇宙無終極此外更何求

題莫氏山莊圖

元黃潛

旋移小隱傍南峰，遠有咸平處士風。  
山態近人猶偃蹇，湖光無雨亦空濛。  
行春杖屨時時到，臨水軒窗面面通。  
別作新亭供戲劇，青帘搖曳杏花中。

題玉山中錢舜舉畫五柳莊圖

元張天英

飛泉屋後銀河縣，孤松屋上蒼龍眠。  
四山無數白雲出，好柳五株當門前。  
葛巾大人步其下，悠然別有山中天。

題梅莊圖

明華幼武



聞說幽棲壁社湖只栽梅樹遶儲胥枝橫暮雪春回早  
香滿寒庭月上初五柳門前元亮宅百花潭北少陵居  
歲寒心事清無比寫入丹青意有餘

題汪季路太丞魏野草堂圖

宋

楊萬里

汾陰西祀告昇平四海無波鏡樣清乞與幽人好風月  
萬山裏許聽泉聲

題橋南堂圖

宋

陸游

平生不識橋南路聞道清流帶煙樹今朝開卷一欣然

恍若身親到其處徐郎獨立巖如山招不能來麾不去  
舊居萬瓦碧浮煙結茅却就橋南住雪盡春來水似藍  
想君清歛釣魚菴道上紅塵高十丈斷無一點到橋南  
題武教授峨嵋山谿堂圖  
元王惲  
野水林塘淡欲秋日長矐繳在沙頭故山咫尺峨嵋外  
未礙因人作遠遊

四郊草堂圖

四首為從  
子宣作

元虞集

故家東郭百花洲梅柳西郊總舊遊  
賢子獨知懷土念

結廬為擬草堂幽

早晚東吳賈客船直歸萬里畫橋邊寄質儘有詩人在  
忍向園中看數椽

草堂在處即西郊已嶺還如雪嶺高但有好孫能力學  
不愁老杜不春遨

野梅官柳頗依依酒債尋常七十稀莫遣錦溪賢姪覺  
恐愁安樂不思歸

題劉生庸道五莊草堂圖

元

貢師泰

南北兩峰相對青萬竿修竹一茅亭何時共坐西湖雨  
白髮篝燈講六經

題良常草堂圖

元倪瓚

結屋正臨流水開門巧對長松為待神芝三秀移居華  
蓋西峰

韋羌草堂圖

元倪瓚

韋羌山中草堂靜白日讀書還打眠買船欲歸不可去  
飛鴻渺渺碧雲邊

陳履元畫玉山草堂

元 鄭元祐

故人陳孟公辭如春雲氣如虹畫法師海岳山如寫鵬  
樹如龍騎箕上天二十載有子鼯鼻畫極工驚蛟嘘雲  
海浪白離鸞照水巖花紅皴鱗張髻聳鬱磧底松中有  
一畝幽人宮石牀支頤晚飛瀑意遠欲託冥飛鴻我欲  
從之不可得青山萬疊金芙蓉

題錢伯珍所藏草堂圖

元 釋良琦

錢郎讀書性閒雅草堂隨處卜雲林周顒不遂山居志

梅福仍兼吏隱心  
玉洞桃花春霧溟  
石田芝草暖雲陰  
礪西一逕通深竹  
還許支公日見尋

徐雪舟為畫藍礪草堂圖

明  
藍智

碧草連書屋  
蒼山對畫圖  
鶴巢秋樹小  
漁艇夕陽孤  
野色晴初遠  
溪雲淡欲無  
浮查倚磐石  
把釣任潛夫

題彭氏背郭草堂圖

明  
劉崧

日薄金華嶺  
雲深白石塘  
茅茨元背郭  
水竹自成鄉  
圖畫看逾好  
登臨興不忘  
門前雙杏樹  
葉葉是秋霜

題黃典籍東州草堂圖

明 陳思孝

東州州上野堂幽卷慢湖山翠欲流京國到來鄉思遠  
白雲黃葉夢中秋

趙松雪怡樂堂圖

贈善夫  
副使

元 鄧文原

一榻悠然樂事多四時風景復如何遠溪水色清流玉  
排闥山光翠擁螺靜裏研朱將點易醉中邀月鼓琴歌  
知君所好無塵趣肯許吾儕見訪過

題趙松雪怡樂堂圖

元 張雨

幽人結屋傍江干，怡樂名堂只數間。  
黃鳥隔簾詩夢醒，紫鱗供饌釣舟還。  
簷前景色春常在，柳外柴門晝不關。  
誰識箇中真樂處，陶然天地一身閒。

題九靈山房圖

元  
鄂拉實克

夢裏家山十載違，丹青咫尺是邪非。  
墨池新水春還滿，書閣浮雲晚更飛。  
張翰見機先引去，管寧避亂久忘歸。  
人生若解幽棲意，處處林丘有蕨薇。

九靈山房圖

元  
丁鶴年



九靈別業何年到聊作新圖寄所思幽谷白雲晴窈窕  
高簷翠樹曉參差輞川已入王維畫韋曲仍傳杜甫詩  
咫尺相望成萬里卧遊心事許誰知

題五龍山房圖

明僧宗泐

剡中東南奇若人緇侶勝一住忽十年禪房得深靜高  
扉敞重巖修橋入危磴林端識名香水際聞清磬微茫  
度雲壑掩映披華筵長松支遯吟磐石曇猷定別來幾  
夢思游塵生塵柄晨窗對新圖蕭條發孤咏

題唐子華畫王師魯尚書石田山房

元  
張翥

秋水橋邊紅葉林數家  
茆屋傍青岑岡頭種玉  
朝煙暖隴上鉏雲宿雨  
深摩詰輞川宜入畫少  
陵韋曲自成吟  
束薪歲晚來同煮應許  
山中道士尋

題黃都事仲綱山居溪閣圖

二首  
元

虞集

出山作官十載餘聊託  
筆墨懷幽居連雲一一  
列眉黛細雨往往逢樵  
漁鄰家父老每載酒隔  
屋弟兄皆讀書

我久居山不待畫獨念稚子扶犂鉏

閣門流水秋愈深故人東來還見尋方舟直過彭蠡澤  
把釣坐對香爐岑雲中煙樹差可辨江上鄉關誰與吟  
我欲芳蘭寄遠者日暮天際多輕陰

王叔明為陳惟允天香書屋圖

元

黃公望

華堂敞山麓高棟傍巖起悠然坐清朝南山落牕几以  
茲謝塵囂心逸忘事理古桂日浮香長松時向媚彈琴  
送飛鴻拄笏來爽氣寧知采菊時已解哦松意

題劉生庸道竹林書室圖

元  
貢師泰

劉生讀書竹林下  
滿耳金石聲琅琅  
翠陰碎落日當戶  
緗帙亂翻風滿牀  
中夜蛟龍神變化  
清時鸞鳳瑞文章  
此君標致誰能寫  
一幅雲煙墨數行

竹谿草堂圖

為黃克  
文題

元  
舒頔

清谿谿上竹無數  
愛竹移家竹林住  
階前老竹鏗玉聲  
秋夜讀書霑竹露  
書聲繞屋雜竹聲  
竹色侵書助書趣  
竹根箇箇長龍孫  
竹上鸞凰亦來聚  
有時攜琴陪竹彈

兩袖清陰分竹翠雲梢月榦竹弄影杖竹尋詩過橋去  
平生性癖亦愛竹不問主人造竹所君不見一筇投陂  
忽變化萬卷蟠胸勝插架

鳴山書舍圖

為黃君  
伯淵賦

明高啓

伯鸞鬻舂地井臼有遺跡之子學幽棲託蹤在林石清  
風竹林曉片月蘿逕夕遙想一齋空圖書滿牀積

蜀山書舍圖

明高啓

山月蒼蒼照煙樹碧浪湖頭放船去隔林夜半見孤燈

知是幽人讀書處

蜀山書舍圖

明 徐 賁

山水幽深處閒居此地曾傍花春晏客看竹午逢僧雲  
樹尋新咏巖巒憶舊登兵塵今間阻對畫思難勝

竹雪書房

為畫士戴  
大進題

明 楊 榮

戴君舊業家錢塘幽齋剩種青篋簫冰森玉立鬱蕭爽  
珮珂時動音鏗鏘一林遙接淇園綠萬个如臨渭水曲  
涼宵白晝風月清翠影重重覆書屋四時佳致迥不同

況茲清絕當嚴冬朔風吹雪滿空下凝梢綴葉相玲瓏  
素娥冉冉來雲表皓鶴翩翩舞林杪是時掩卷一凭闌  
清興滿襟應不少自從寄跡京華地翹首山房想初志  
陽春桃李任紛紛勁節貞心自無異何人為君寫此圖  
故鄉景物渾不殊興來展玩對立久一點塵埃牕外無

題李景昌竹間書舍圖

明  
于謙

萬玉蕭森遶四簷坐來惟覺雨纖纖小牕展卷循環誦  
古鼎焚香取次添爽籟隨風來淨几清陰和月度疎簾

應知此地藏修者早晚蜚聲不久淹

柳塘書舍圖

明李德

遠山出白雲近水明秋色煙波漫浩浩日暮歸舟急隱約叢薄間茅茨倚蒼石中有柳塘翁看看似相識

題蔡文翰墨溪書屋圖

明廖道南

靈源接銀漢細繞楚王臺竹色侵簷密桃花映戶開草玄含妙思守黑入幽裁誰識臨池興張芝有儔才

題孺山書屋圖

明王世貞



石田老人富丘壑湖雨嵐煙筆端起江南佳麗到不乏  
吳興諸山若箇是書聲雜出飛瀑外高枕時橫白雲裏  
人云絮酒來南州此山名孺成千秋尚書讀書此山頭  
書成出柱中原天歸來賴玉圍腰圓冰心不媿南州賢  
出山住山俱偶然有足肯踏終南巔

題東洋書屋卷

二首

明  
王世懋

遙聞支伯在滄洲天外蓬壺似可求  
教枕白雲東盡處  
驚濤一夜海門秋

西北天傾水欲東  
吾廬何在半浮空  
看來萬里扶搖境  
盡入蓬牕偃息中

倣子久秋山書屋

明  
李日華

雲氣堆中結屋  
樹陰薄處攤書  
廿載養成懶骨  
閉門不拜新除

龍門茶屋圖

元  
倪瓚

龍門秋月影茶屋  
白雲泉不與世人  
賞瑤草自年年上  
有天池水松風舞  
淪漣何當躡飛鳧  
去采池中蓮

石田茅屋圖

明 解縉

石田茅屋歸來計長日呼龍種玉芝高卧熟眠應不忘  
五更風雨道塗時

題伯穎雲林茅屋圖

明 藍仁

中林避世士茅屋一間雲雨笠尋芝術晴牕究典墳竹  
深羊仲至瓜熟卻平分但有卑棲處長隨鹿豕羣

題徐都憲小邨竹屋卷

明 李東陽

藹藹水中邨灑灑屋上竹廛居遠山市展脫去塵俗朝

看碧山爽夕泛晴波綠江湖有襟帶冠屨無拘束昔聞  
東吳老本出南州族封非渭川戶乞豈鑑湖曲溪山舊  
業在圖史清風續華躋厯臺省雅尚在林谷夢寐三十  
年此邨還此屋宦途復傾蓋佳畫時秉燭指點入丹青  
依稀過江麓感今復懷舊歲月如轉轂儻遂江南遊鄰  
哉我當卜

題弋陽巖山精舍圖

元  
袁  
桷

紅塵落青山飛瀑遽洗之孕此巖中居寒膏漾淪漪白

雲偉衣冠修松古鬚眉書聲出虛牝杳杳空中麋桃源  
有神界天光固幽機一為漁父游妙筆工研窺至今武  
陵郡山水傳清暉

吳儁仲傑橫河精舍圖

元 張翥

橫河精舍誰所居豐城隱者吳仲傑是中林壑特幽勝  
一幅劉權畫尤絕遠山數曲重復重炊煙一村樹叢叢嵐光  
雲氣紛滉漾盱水汝水遙相通近山什伯青匝匝峰底  
斜穿鷓鴣峽跳波直下却洄凝怪石截斷雙流合竹牕

桂棟溪之隅過門好客無時無溪魚長肥酒長熟撥棄  
世務談詩書梧川春雨草木長櫟塘耕稼仍膏壤鉏翁  
牧子行唯諾沙鳥風帆自來往獨不見陶縣令松菊園  
又不見杜陵老桑麻田人生得此不歸去有如頭上之  
青天傑乎傑乎吾羨汝毋負山中故人招隱篇

賦德機荆南精舍圖

元倪瓚

溪上田園定有無愁將歸思畫成圖春林寂寂花開落  
風牖泠泠鬼嘯呼尚有流泉悲夜雨已荒幽徑入寒蕪

何當一舉同黃鵠未覺山川路鬱紆

上虞魏氏湖上精舍圖

元  
陳樵

湖上蘭舟水上亭有時水漲與階平  
亭前古柳經春弱門外孤洲昨夜生  
海氣遙連育王塢蜃樓半入會稽城  
山陰道士攜琴至寫盡風聲到水聲

虎丘老僧有竹林精舍文伯仁為圖之王履吉書  
疏於後余游竹林僧出示此卷履吉下世已三  
十載矣為之憮然因成此詩

明  
王世貞

山僧業靜者脩然無世氛朝疏淇澳雨暮浣瀟湘雲老  
可湖州筆為竹寫清芬況有王子猷英標冠人羣自言  
讀書處何可無此君我來憩其下流颺散餘醺其人不  
可作太息讀遺文新粉含幽月蒼翠鬱紛紛截作山陽  
笛淒涼安可聞

題曹氏春江雲舍圖

元

華幼武

富春江上曹孝子結屋深居白雲裏重重簾幙護春暉  
不出庭闈奉甘旨門前江水碧泱泱屋外峰巒紫翠光



山高水闊意無盡堂上慈顏日月長棠棣相輝萼韡韡  
蘭玉森森映階所爛斑新筍帶煙鑱雪白江魚隨網起  
綵衣歡舞四時春世上之樂無其倫青雲立志為親顯  
衮衮公侯來逼人干戈滿地尚酣戰客袂不忘慈母線  
暮暮朝朝望白雲寸心只願長相見

題朱澤民荆南舊業圖

明高啓

昨陽醉磨一斗墨夢落荆南寫秋色太陰垂雨尚淋漓  
哀壑迴風更蕭瑟楓林思入煙霧清湖水愁翻浪波白

溪上初逢野老航山中遠見先生宅秫田半頃連阡區  
茅屋三間倚蘿薜僧來看竹乘小輿客去尋苓借高屐  
任公臺下石可坐周侯廟前路曾識虎跡時留暮苔紫  
蛟氣或化秋雲黑城郭當年別已久風塵此日歸不得  
落日書齋半壁明畫圖卧對空相憶

為黃伯昂題君山別業畫卷

明

程本立

畫圖林壑起雲煙使者高懷寄靜便背郭真成浣花屋  
看山如坐洞庭船柴門黃葉鄰僧埽石徑蒼苔野鹿眠

如此故巢勞遠憶只應頭白是歸年

御定歷代題畫詩類卷一百十五

欽定四庫全書

御定歷代題畫詩類卷一百十六目錄

器用類

題敬器圖

唐劉禹錫

崔五六圖屏風各賦一物得鳥孫佩刀

唐李頎

李兵曹壁畫山水各賦得挂水帆

唐李頎

題畫帆

明葛孔明

觀楊之美盤車圖

宋梅堯臣

盤車圖

宋歐陽修

畫車

宋蘇軾二首

題宗子趙明叔盤車圖後

宋饒節

盤車圖

元虞集

雪山盤車圖

元薛漢

郭熙盤車圖

明謝承舉

題宋院人畫盤車圖

明劉績

輓車圖

元吳師道

題蓮葉舟圖 元程鉅夫

酒船圖 明韓宜可

竹素圖 明楊基

同原甫詠祕閣藏古器圖 宋劉叔賢

題元章研山圖 元張雨

滄浪池硯圖 明王穉

題翰墨十八輩封爵圖 元任士林

周文矩雷劒化龍圖 元王惲二首

雙劍圖歌

元傅若金

樓光遠家觀宋綬景德鹵簿圖

元吳萊

題襄縣張醫人所藏續弦圖

明王鈺

題蘆花被圖

元貢師泰

詠秦淮妓王易容百花畫衣因新都謝少運索和

明陳繼儒八首

風鳶圖

明徐渭十首

御定歷代題畫詩類卷一百十六目錄

欽定四庫全書

御定歷代題畫詩類卷一百十六

器用類

題敬器圖

唐 劉禹錫

秦國功成思稅駕  
晉臣名遂歎危機  
無因上蔡牽黃犬  
願作丹徒一布衣

崔五六圖屏風各賦一物得烏孫佩刀

唐 李 頎



烏孫腰間佩兩刀，刃可吹毛錦為帶。握中枕宿穹廬室，  
馬上割飛翳。蝟塞執之魍魎，誰能前氣凜清風。沙漠邊  
磨用陰山一片玉，洗將胡地獨流泉。主人屏風寫奇狀，  
鐵鞘金鑲儼相向。回頭瞪目時，一看使予心在江湖上。  
李兵曹壁畫山水各賦得挂水帆唐李頎  
片帆浮挂水，落日天涯時。飛鴈看共度，閒雲相與遲。  
長波無曉夜，泛泛欲何之。

題畫帆

明葛孔明

蓬飄萍聚任西東  
駭浪驚波浩淼中  
正是已平秋漲後  
碧天無際挂高風

觀楊之美盤車圖

宋梅堯臣

谷口長松葉老瘦  
澗畔古樹身枯高  
土山慘澹遠復遠  
坡路曲折盤車勞  
二車迴正轅接軫  
繼下三車來嶢嶙  
過橋已有一乘歇  
解牛離輓童可哂  
黃衫烏巾驅舉鞭  
經險就易將及前  
轂輪傍側輻可數  
蹄角攙錯行相聯  
古絲昏晦三尺綃  
畫此當是展子虔  
坐中識別有公子

意思往往疑魏賢子虔與賢皆妙筆觀玩磨滅窮歲年  
塗丹抹青尚欺俗旱龍雨日猶賣錢是亦可以祕疑亦  
不可捐為君題卷尾願君世世傳

盤車圖

宋 歐陽修

淺山嶙嶙亂石轟轟山石礲聲車碌碌山勢盤斜隨澗  
谷側轍傾轅如欲覆出乎兩崖之隘口忽見百里之平  
陸坡長坂峻牛力疲天寒日暮人心速楊襄忍飢官太  
學得錢買此纔盈幅愛其樹老石硬山回路轉高下曲

直橫斜隱見妍媸向背各有態遠近分毫皆可辨自言  
昔有數家筆畫古傳多名姓失後來見者知為誰乞詩  
梅老聊稱述古畫畫意不畫形梅詩詠物無隱情忘形  
得意知者寡不若見詩如見畫乃知楊生真好竒此畫  
此詩兼有之樂能自足乃為富宜必金玉名高賢朝看  
畫暮讀詩楊生得此可不飢

畫車二首

宋蘇軾

何人畫此隻輪車便是當年敲器圖上易下難須審細

左提右挈免疎虞

九衢歌舞頌王明  
誰惻寒泉獨自清  
賴有千車能散福  
化為膏雨滿重城

題宗子趙明叔盤車圖後

宋饒節

跌宕平生萬里程  
盤車一展老心驚  
溪昏樹暗牛爭力  
似聽當年風雨聲

盤車圖

元虞集

大車磷磷牛駕輶  
西望太行雪千尺  
往時飛輓實長安

百兩仰關過阡陌亂流十里九屈曲水濺車箱沙沒轂  
前呼後應日云暮王事有程車下宿旂旒央央昔臨洛  
東南會期出方嶽侯伯有位賦有差載幣瞻迎來若若  
君不見海艘百萬乘天風京城連雲多腐紅天子視朝  
大明宮千乘萬騎來何雄

雪山盤車圖

元薛 漢

車煇煇石逕瑩确輪欲摧疲牛分寸挽莫前前車後車  
相逐來大府城門倚天開羣山雪深白皚皚卒夫鞭牛

凍墮指轉輸號令如風雷官中委積等塵土黔黎膏血  
無復回君不見明時屢散粟與帛桃林之牛亦悠哉不  
知何代畫此景我自一見令心哀

郭熙盤車圖

明  
謝承舉

東車上岡西車下輓力駕牛如駕馬後有一車方渡河  
泥深水寒將奈何來車人與去車語前途山高石齟齬  
千里百里多險阻虎狼縱橫皆逆旅好歸來守鋤杵

題宋院人畫盤車圖

明  
劉績

大車盤盤牽不住小車碌碌推還去上阪下阪日千迴  
不離太行山側路吳鹽蜀米塞滿箱烏犍耳濕筋力強  
商人重貨不畏虎飯牛夜夜宿車傍妻孥不須念行旅  
橐中有金皆樂土星餐露櫛逐隊行但願利多無所苦  
道傍往來多折軸誰人肯戒前車覆

輓車圖

元  
吳師道

短轅長馭後先驅逐利奔名恣所如落日中原天萬里  
我貧正坐出無車



題蓮葉舟圖

元程鉅夫

如此風波惡舟中坐晏如此時不經濟  
借問讀何書

酒船圖

明韓宜可

春波橋頭水半竿畫船如馬觸狂瀾  
平生常恨江湖小  
醉臥不知天地寬  
隔岸好山青隱隱  
環洲芳樹綠漫漫  
懸知賀監歸來日  
一曲晴光五月寒

竹素圖

明楊基

百尺飛樓似石渠  
牙籤五色照牕虛  
平生不惜千金費

喪亂猶存萬卷餘秦火已來皆斷簡楚經之外總閒書  
晴雲滿榻芸香散應與諸郎校乙殊

同原甫詠祕閣藏古器圖

宋劉叔輅

黃占金寶氣天瑞告成功績事今時絕書文自古同  
扃鉤記巫錦按刻異柏公塵世無由覩崑山策府中

題元章研山圖

元張雨

南宮米老書無敵同盟亦有薛河東研山自昔開清賞  
石友令人拜下風華蓋天壇承露潔月巖空洞與天道

絕憐古學龜城叟一一題詩取次工

滄浪池硯圖

明王禕

滄浪池水碧生春當日臨池玉作人故物流傳遺澤在  
龍泓鳳味未為珍

題翰墨十八輩封爵圖

并序

元任士林

翰墨十八輩皆几案間不可闕一之物上標封爵下  
圖其形旁書贊語殊有史臣之體余觀之不去手畫  
筆精妍疑亦島外人所製詩題其左

公子裝車從楚國  
十九人行一不足  
上階卒賴毛先生  
招手相呼公錄錄  
邇來翰墨十八人  
一日受封列華物  
世上空成孺子名  
論功却笑中書禿  
人生慎勿為事先  
乞留足矣張良獨

周文矩雷劒化龍圖 二首

元王暉

用底幽光見斗間  
張華腰領不勝寒  
躍淵又作雙龍去  
在晉當為變怪看

飛躍陶梭化葛筇  
潛龍無跡與神通  
披圖點勘延平事

又在雷公劍室中

雙劍圖歌

元傅若金

莫邪干將古神劍得水化作雙龍翔斗間寶氣入江滅  
波裏金鱗翻日光道人筆鋒如劍利亦能化龍致神異  
黑風翳負濤欲立白日陰陰雨將至忽然逢之不敢窺  
爪甲雲氣常淋漓便愁中夜雷霆怒兩龍乘雲盡飛去

樓光遠家觀宋綬景德鹵簿圖

元吳萊

東朝重文物四海極豐富粉飾郊祀間馳驅漢唐舊奉

常夙有掌鹵簿列前後車鈴麾飛黃戟盾服錯繡啓肱  
龍虎動扈衛鴛鴦遶嵯峨屹丘岳灼爚羅星宿陳兵吉  
利隊擇馬駒駉廐嚴須呵八神喜欲抃百獸祖宗所繼  
承宇宙徧包覆上公敬執籙天子親獻酎靈光旂旗林  
縟典禮樂圉威儀一以整瑣碎無不究時惟正垂拱國  
幸息戰鬪玉策恐人聞帛書疑鬼授紛紜務欺阿制作  
窮刻鏤老幼咸駿奔穹示總歌臭中誠乃根本外貌特  
膚腠封寧重礪繩饗或貴型館居安昧危機致治起亂

竇文華終耗財武弱益招寇雖然喧一朝孰得燕未胄  
五輅忽已沒三京杳難救惜其初討論盍不返樸陋臨  
風披此圖歎息我呂綬

題襄縣張醫人所藏續弦圖

明王 鉞

伊人在空谷灑落非塵襟寫懷無俗物手摩嶧陽琴況  
有芝蘭客賞茲山水音松風起坐隅寒泉瀉遙岑摩絲  
忽斷絕愴彼聽者心安得鸞膠續一洗桑間吟

題蘆花被圖

元 貢師泰

秋深江上白蒙茸野客分來一色同酒醒孤篷臥明月  
帳寒老屋不禁風羽毛乍聚搏空鶴蹤跡真成踏雪鴻  
夜半何人吹鐵笛夢魂疑在楚江東

詠秦淮妓王易容百花畫衣因新都謝少運索和

八首

明  
陳繼儒

葳蕤花葉雜花鬚百和香風引六銖借得畫眉京兆手  
不須辛苦繡羅襦

越剪吳刀碎蜀羅墨花新蘸酒花多若非太華峰頭過



那得衣裳是芰荷

綠絲紅線暗纏綿  
綵繪花文著意鮮  
莫向尊前輕斷袖  
連枝並蒂得人憐

碧雲白練疊空青  
小逗風前去後停  
忽地一聲環珮響  
鳥來只道護花鈴

春光如酒膩春衣  
五色玲瓏護粉肥  
一自郊原曾鬪草  
舞衫猶帶落花歸

卷衣香霧紫氤氲  
恰稱儂家白練裙  
不是從來好奇服

生花枯管未曾焚

腰瘦羅纖夜色闌  
煖含花氣鬪春寒  
教坊新製王家錦  
不織回文織合歡

琵琶街上月如霜  
巷口高高合抱楊  
若問秦淮新女弟  
逢人盡說畫衣王

風鳶圖 十首附錄

明徐渭

柳條搓線絮搓綿  
搓夠千尋放紙鳶  
消得春風多少力  
帶將兒輩上青天

我亦曾經放鷓鴣  
嬉今來不道老如斯  
那能更駐遊春馬  
閒看兒童斷線時

縛竹糊腔作鳥飛  
崩風墜雨爛成泥  
明朝又是清明節  
鬪買錫糖柳市西

江北江南紙鷄齊  
線長線短迴高低  
春風自古無憑據  
一任騎牛弄笛兒

邨莊兒女競鶯嬉  
憑伏風高我怕誰  
自古有風休盡使  
竹腔麻縷不堪吹

春來偏與老人讐腰膂如弓項領柔看鷄觀燈都好景  
正難高處去擡頭

天台饒舌罵豐干何事吟鶯巧弄搏昨夜風餘收墮筏  
喚回拾得換寒山

鶯長線短欲何之萬丈無由辨得斯瞥見游絲天正午  
寸搓紙撚釘書時

此物等為芻狗草此飛等是土龍泥東風自古西吹去  
不是吹儂合向西

馬添鴿箭與膏焚整隊紅雲過玉真何處鄰姬不停織  
細聽燈火理箏銀

御定歷代題畫詩類卷一百十六

欽定四庫全書

御定歷代題畫詩類卷一百十七目錄

人事類

獻百花洲圖上陳州晏相公

宋范仲淹

觀韓玉如胡人貢奉圖

宋梅堯臣

題曹仲本出示譙國公迎請太后圖自肅天仗以

下皆紀畫也

宋楊萬里

蕃王獻寶圖

元柳貫

題書船入蜀圖送黃尚質赴夔州蒙古教授 元傅

若金

光山尹孔凝道作縣有聲鄉人為圖 元馬祖常

題蔣習之春歸得意圖 明徐賁

罷直圖 明練子寧

題王顯宗巡歷圖 明貝瓊

題畫送高博士使高麗 明丘濬

題畫送陳明遠赴丹稜令 明吳寬

題鳳凰集圖為陳德清應召

明王世貞

為張四太學題畫寄少司成范公

明王世貞

奉敕稱賀圖

明王世懋

兩承恩命圖

明王世懋

班師懷來圖

明王世懋

王公拜相圖

明朱存理

題焦白圻畫其父奉禮府君夜直詩意圖

明王逢

為李郡伯題喜祝三公圖

明李維楨



徐吏部父子朝天圖

明焦竑

題東溟父子趨朝圖

明顧清

顏總戎鎮朔巡邊圖

明葉盛

題好溪圖送憲使黃繼先

明孫炎

題雙喜圖送馬勝宗從昌平侯出鎮宣府

明劉溥

題畫送同年高穎之冊封黃州

明余泰

六老朝天圖為陸石涇中丞賦

明廖道南

觀風圖為楊道長題

明廖道南

題楊廷宜侍御手卷花縣鳴琴明傅珪

題畫送王幼度計偕明董其昌

題郭祥鄉飲酒圖元朱德潤

瓊林醉歸圖為同年長垣李溥作明丘濬

吳將軍轅門夜宴圖明邊貢

鹿鳴燕會圖為旌德江浦貢士賦明程敏政

瓊林醉歸圖明陸鉞

謝許判官惠茶圖茶詩宋文同

贈臨江簡壽玉二首簡攜王仲顯使君書來謁并  
示孔毅甫夢蟾圖今廟堂五府皆有題字 宋范  
成大二首

題劉後邨所跋楊朴移居圖 宋許月卿

題張天民先生移居圖 元成廷珪

自題移居圖 明陳道永

荆氏周急圖 元王惲

清白圖為何掾舜舉賦 元王惲

題戚子雲五雲圖 元牟獻

夢會圖 元牟獻

題露臺夜炷圖 元揭祐民

題授經郎獻書圖 元張雨

焦永功桑梓圖 明劉三吾

二窮圖 明周用

題董望峰行春圖 明焦竑

為兒輩題折桂圖 明張鳳翼

題百子圖 明張鳳翼

為仲氏題夢筆生花圖 明張鳳翼

題扇面圖贈且翁叔 明張邦奇

呂繩宇兄余髫年交也為圖便面以見意 明李日

華

御定歷代題畫詩類卷一百十七目錄

欽定四庫全書

御定歷代題畫詩類卷一百十七

人事類

獻百花洲圖上陳州晏相公

宋 范仲淹

瀼下勝遊少此洲聊入詩百花爭窈窕一水自漣漪  
潔白憐翹鷺優游羨戲龜闌干紅屈曲亭宇碧參差  
倒影澄波底橫煙落照時月明魚競躍春靜柳閒垂  
萬竹排霜仗千荷卷翠旗菊分潭上近梅比海南遲  
岸鵲依人

喜汀鷗不我疑綵絲穿石節羅襪踏青期素髮頻來醉  
滄浪減去思步隨芳草遠歌逐畫船移繪寫求真賞緘  
藏獻已知相君那肯愛家有鳳凰池

觀韓玉汝胡人貢奉圖

宋梅堯臣

時世重古不重新破圖誰畫舊胡人臂鷹捧盤犀判水  
鐵鎖獅子同麒麟翹翹雉尾插頭上深目鉅鼻青搭巾  
塗朱點綠筆畫大筋骨怒露蠻祠神茜袍白馬韓公子  
從何得此來祕珍定應海客遠為贈中國未覩難擬倫

公子自言吳生筆，吳筆精勁瘦，且勻我恐非。是不敢贊，  
退歸書此任從噴。

題曹仲本出示譙國公迎請太后圖，自肅天仗以

下，皆紀畫也。

宋楊萬里

德壽宮前春晝長，宮內花開宮外香。太皇頤神玉霄上，  
都人久不瞻清光。今晨忽見肅天仗，翠華黃屋從天降。  
一聲清蹕萬人看，天街冰消樓雪殘。北來又有一紅繖，  
八鸞三緋金轂端。輦中似是瑤池母，鳳舄霞裳剪雲霧。



太皇望見天開顏萬國春風百花舞乃是慈寧太后回  
鸞圖母子如初千古無朔雲邊雪旗脚濕御柳宮梅寒  
影疎向來慈寧隔沙漠倩鴈傳書鴈難託迎還駟馭彼  
何人魏武子孫曹將軍將軍元是一縫掖忽攘兩臂挽  
五石長揖單于如小兒奉歸慈輦如折枝功蓋天下只  
戲劇笑隨赤松蠟雙屐飄然南山之南北山之北君不  
見岳飛功成不抽身却遣秦家丞相嗔

蕃王獻寶圖

元柳貫

皇天饗德親至仁四夷慕義悉來臣押奚兩番稱使者  
稽首自請輸庭珍梯航琛賁慙後至象犀珠貝充前陳  
髦蠻何由舍愛吝聖化如天能服馴仁柔義懷乃至是  
聲驅威懾非其真君不見周公居中秉周禮王會書成  
白環至按圖索驥豈不然貞觀興唐有畫傳

題書船入蜀圖送黃尚質赴夔州蒙古教授

元傅若金

楚客之官汎蜀船畫圖盈尺見山川九江樹色瀟湘外

三峽猿聲灩澦前方譯漸通巴俗語國書新絕漢人傳  
豈無好事能攜酒問字時時集講筵

光山尹孔凝道作縣有聲鄉人爲圖

元馬祖常

光山近在故山西樹滿江頭稻滿畦鄰屋讀書相教授  
社祠醉酒共提攜水牛礪角嫌耕淺野繭抽絲喜價低  
春雨行田無從吏獨騎齋馬畏青泥

題蔣習之春歸得意圖

明徐賁

簪筆親當白玉墀  
天顏有喜獨能知  
歸來匹馬花盈路  
正是春風得意時

罷直圖

明練子寧

草詔下金鑾  
宮槐白露寒  
紫駟驕不控  
明月在欄干

題王顯宗巡歷圖

明貝瓊

六月霜威見直臣  
繡衣玉斧大同巡  
山分駝脊高中土  
路折羊腸恐遠人  
今日邊戎應辟馬  
從來漢使獨埋輪  
白頭校字慙年少  
為客京華又一春

題畫送高博士使高麗

明丘濬

青旌懸翠旄，龍竿綴鳳尾。持出大明宮，搖搖向東指。  
氣節橫九秋，風聲揚萬里。坐使三韓人，快覩古君子。

題畫送陳明遠赴丹稜令

明吳寬

洞庭木葉起，秋思正是扁舟入。蜀時十里山城知，臥治  
卷簾清晝見峨眉。

題鳳凰集圖為陳德清應召

明王世貞

鳳凰出丹穴，萬羽相因依。今者集君庭，孤騫以徘徊。匪

為聽簫韶母乃攬德輝阿閣麗層霄雄鳴應朝暉肯學  
潁川守終貽鵲雀譏

為張四太學題畫寄少司成范公

明王世貞

故人自許同張范手寫新圖托贈君蕙帳可仍天目色  
絳帷還似石頭雲磯邊罷釣絲綸在掌上揮毫雨露分  
儻問吳興王大令郡齋親識練為裙

奉敕稱賀圖

明王世懋

闕下材官尺一馳陰山草木聖恩知單于歡喜頻看印

部落堅盟共立碑服匿稱觴胡伎樂穹廬習拜漢官儀  
何須禮在諸王上但道汾陽首自垂

兩承恩命圖

明王世懋

詔下螭頭護紫雲康侯蕃錫自明君封章屢貢褒充國  
恩澤多封薄冠軍金石家懸全部樂鼎彝名勒太常勲  
邊氓盡解吾祈父虎竹龍章世世分

班師懷來圖

明王世懋

偏師急擊渡渾河破虜燕然石不磨一騎材官傳露布

千金壯士飽休戈陰山北去空庭跡響水東流雜凱歌  
振旅何慙漢名將古來功是伐謀多

王公拜相圖詠

明朱存理

吳國才賢見兩元山川靈秀出璵璠先朝史錄趨宣召  
大郡編摩即討論車馬城西懷遠別經綸闕下沐殊恩  
緣知舊學應超擢還見官崇道益尊

題焦白圻畫其父奉禮府君夜直詩意圖

明王逢



露濕金莖月轉西  
披香太液淨無泥  
黎雲散盡千官影  
獨見桐花小鳳棲

為李郡伯題喜祝三公圖

明李維楨

漢家貴重二千石  
守相每據公卿席  
紫庭引見賜駢蕃  
青史循良聲鳥奕  
帝鄉自是帝恩偏  
李公為守有二天  
絃歌春醉層城月  
桑柘晴飛萬井煙  
郡國高第誰堪擬  
超拜三公固然耳  
鷺溪綃寫三公象  
轉日回天公分量  
古來大臣慮四方  
五馬舊遊無相忘  
功名不損潁川郡

江漢摩挲召伯棠

徐吏部父子朝天圖

明焦竑

紫禁朝天拜舞同  
千門曙色隱曈曨  
即看玉帛圖王會  
沉復班聯似魯公  
春轉龍旂開羽仗  
日高仙掌麗芙蓉  
御屏隔座他年事  
青史班班有世風

題東溟父子趨朝圖

明顧清

先皇龍飛登俊英  
歲在庚戌君飛騰  
甲戌今皇臨大廷  
郎君接武振華纓  
尚書光祿郎而卿  
分曹右選參本丘

天門曉開日未昇紅霞紫氣繞觚稜玉街無塵青引繩  
冠裳佩履儼徐行前者長孺後元成小夫雅願止金籥  
君家世德遠有承華亭啓土紹嘉興貞元相君尤有名  
崑山婉孌谷水清詩書疊疊來雲仍紛如玉筍間瑤楨  
朝廷有道四海平鳳將九子不足驚畫師不憚理丹青  
我老猶能繼頌聲請君多買鵝溪縉

顏總戎鎮朔巡邊圖

明葉盛

鎮朔將軍熊虎姿幕府宏開當北陲太平天子日無事

正此邊巡閒暇時維時夏初迫春暮塞草青青茁邊土  
行人貂裘且為備礮底層冰尚多沍東方雷動毛龍嘶  
前驅早已度磨笄鑿鑿健士三千輩錦繡攢風一色齊  
金符玉勅黃封厚高絰仍看印如斗令嚴人馬不敢譁  
寂寂柴門走雞狗狼山道側青嵯峨和風不搖嫪汭波  
最惜年時傷早暎邊戶其如疲苦何行行壯觀多奇絕  
萬疊居庸寒積鐵奮身真欲俯危巔看取鴻濛古時雪  
黃金宮闕望中深四陵劒鳥垂雲陰中天白日照肝膽

清淚滿頤愁寸心結髮從戎今白首祇事明廷亦云久  
北門樞管猥區區欲報隆恩我何有馳驅肯辭行路難  
槍竿又復望長安酒酣叱咤出關去啁啾鬼哭悽風酸  
穹廬亂點牛羊道笑指胡雛眼中飽殺氣高連獨石斜  
天聲震落三山小六丁一夜屠腥臊血波曉漲龍門濤  
下勞陣前真意氣稍試新頒金字袍羣然衆山臨絕境  
野鵲野狐非一姓萬國車書保障中此鄉原號虞臺嶺  
虞臺西出又萁蔴處處濃香開野花亭堡重修不知數

時來借問耕人家楚漢區區事征戰今日皇家作畿甸  
幾度揚鑣下蔚州好事鄴生吁不見茫茫沙塞已塵清  
蕩蕩輿圖仰盛明父老戴香朝出郭鼓笳連路夜歸營  
由來上將先強識豈在論功在謀國干戈不動四方寧  
萬歲千秋奉宸極

題好溪圖送憲使黃繼先

明孫炎

君乘馬望君來括蒼下君乘舟望君來好溪頭好溪水  
生玳瑁魚好溪水生明月珠好溪水生青珊瑚使君來

此月再樞惟飲此水無一需使君之清水不如臨別贈  
君青絲轡隨君馬頭行萬里相思之心有如水

題雙喜圖送馬勝宗從昌平侯出鎮宣府

明劉溥

遠隨金印出邊州早報平安入鳳樓剪取白羅飛繡影  
旗竿十大挂胡頭

題畫送同年高穎之冊封黃州

明俞泰

翹首東南幾夕曛歸心時逐廣陵雲乘軒偶借天風便

喜讀黃岡竹外文

六老朝天圖為陸石涇中丞賦 明 廖道南

君不見媧皇鍊石成五色上扶天柱星辰列森羅璿緯  
環瑤穹璀璨銀潢含璧月又不見周公嘉石平兆民下  
懸邦紀象魏陳敷賁人文崇鼎呂明章物采重和鈞只  
今石涇人中龍光贊媧皇紹周公夙抱巖巖持大節孤  
懷磊磊耿清忠翳昔揚靈自吳越百代英雄稱兩淞嘉  
禾挺秀白龍湫檣李流輝丹鳳穴士衡麗藻吐時芬德



興雅操還越羣觀光上國英名著奏最東曹茂績聞倏  
忽迴翔棲太嶽握符仙館鳴天樂三十六巖翔彩鸞二  
十四澗喧笙鶴載辭南土遷東粵却倚中台司左轄炎  
海颺回遁川鰐嶺隅霾斂潛山狹邇膺簡命撫湖湘斧  
繡威明拂曙光衡嶽崔嵬卿月朗洞庭激濫德星祥獻  
春郢邸迎鑾馭萬乘齊驅肅飛翥親向行宮覲聖顏頻  
從便殿乘天語金宮貝闕仍繽紛龍飛鳳翔連卿雲陽  
春從岵北勝域啓運隆慶昭豐勲早秋江甸奉仙筵千

帆迅發周遭夾巖從玄丘護玉輶鬱蔥紫氣蟠珠匣神  
龜赤馬拱稜恩乾樞坤紐縣靈原漢江東來走溟渤洪  
山西去接崑崙吁嗟石涇天下望荷茲寵異來天上晉  
畫文明朱紱華需雲霑渥彤弓賞坐令三楚咸澄清山  
祇允若淵后寧仰潤六符登泰階俯奠六合升降平猥  
予小子舊通籍爰涉于涇介如石降嶽恒驚嵩室神濟  
川期効商巖勳高堂對此南飛圖古松千尺五大夫願  
公三壽朋六老共壽斯世躋唐虞

觀風圖為楊道長題

明廖道南

風采臺端第一流南巡今御李膺舟洞庭颺靜三湘霽  
衡嶽雲開萬壑秋都下埋輪聞直節殿中簪筆展嘉猷  
即看當宁延英俊五色祥煙照袞旒

題楊廷宜侍御手卷花縣鳴琴

明傅珪

重重桃李縣衙深更對清流與碧岑自是日長民事少  
一簾花影伴鳴琴

題畫送王幼度計偕

明董其昌

敢競營丘妙與真寒林能變曲江春看花帝里如看畫  
始信斯圖亦有神

題郭祥鄉飲酒圖

元朱德潤

昔人好酒名雖在死灰萬劫誰能全我今悼昔復須飲  
翻恨不生中古前

瓊林醉歸圖為同年長垣李溥作

明丘濬

奉天殿上傳臚罷日照金門榜初挂中使傳宣勅大官  
明朝錫宴南宮下張天為幄雲為茵金盤犀箸羅八珍

宮花剪綵來中禁御酒分香出上尊鼉鼓掀天播欲破  
梨園法樂喧相和妙舞清歌次第呈幻形奇技紛紜過  
承恩侍宴皆貴臣繡金孔雀銀麒麟焚香望闕北面拜  
共賀官家新得人白面青年三百五人似神仙氣如虎  
潛泉浮酒不知數兩袖翩翩欲飛翥瓊林宴罷日斜時  
馬蹄得意去如飛團團皐蓋空中舉短短絲鞭柳外揮  
微風不動香塵軟十二街頭簾盡捲衣裁草色碧將流  
旗拂杏花紅尚淺金環搖轡穩於車笑拍吟鞍不用扶

恥向平康問花柳還歸槐市枕詩書明日半醒扶醉起  
吮筆題詩謝天子就中醉者誰最豪中原才子長垣李

吳將軍轅門夜宴圖

明邊貢

營門花發春酒香濃點酡酥炙黃羊美人胡歌健兒舞  
蠟鳳啼風月當午高簾飛幕絲吹騰觴波櫛櫛梁雲凝  
主人醉眠客不醒探兵枕戈戍煙靜

鹿鳴燕會圖為旌德江浦貢士賦

明程敏政

宴罷賓興日未斜頽然丰采動京華大鵬小擊三千里

雛鳳高騰五色霞  
秋月再分丹桂粟  
春風偏上紫荆花  
相期更寫瓊林會  
趁取才人兩鬢鴉

瓊林醉歸圖

明陸 鈺

金羈細馬出明光  
碧色羅衣錦繡香  
行過玉河三百騎  
少年爭說李東陽

謝許判官惠茶圖茶詩

宋文 同

成圖畫茶器滿幅  
寫茶詩會說工全  
妙深語句特奇盡  
將為遠贈留與作  
閒資便覺新來癖  
渾如陸季疵

贈臨江簡壽王二首簡攜王仲顯使君書來謁并  
示孔毅甫夢蟾圖今廟堂五府皆有題字

宋 范成大

蕭灘遠客叩田廬  
貽我讀書樓上書  
千里故情元共月  
錯吟多病故人疎

卷中圖畫袖中珍  
上有三階五朶雲  
白日青天光範路  
未饒蟾窟夢紛紛

題劉後邨所跋楊朴移居圖

宋 許月卿



曾對君王已放還何須當道把漁竿使輅將宿人將避  
拗折漁竿趕入山

題張天民先生移居圖

元成廷珪

舊隱荆溪第幾邨手栽松檜至今存大茅峰下千年鶴  
遲汝重來問子孫

自題移居圖

明陳道永

故居恰好近新居舟過泥橋僅里餘行李只勞兩隻犢  
家藏唯見一囊書客人小徑無軒蓋飯客荒園有草蔬

雪夜相尋亦可問竹林深處是吾廬

荆氏周急圖

元王惲

九縣飈馳到杞天禾廬櫛比豈容全指囷能繼前賢舉  
亦是農家識事權

清白圖為何掾舜舉賦

元王惲

傳家素有游儵潔竊祿生憎碩鼠貪三考臬司如一日  
眼中何掾德無慙

題戚子雲五雲圖

元牟獻

一從鰲去波翻海夢斷蓬萊不可尋當日五雲依約處  
有人掩卷自微吟

夢會圖

元牟 燾

覺來猶記舊儀型跌坐無言月滿庭畢竟自因還自想  
不妨重舉夢齋銘

題露臺夜炷圖

元 揭祐民

赭紅清夜露臺香月冷銅人正耐霜心事意知惟密訴  
帝青天語近琅琅

題授經郎獻書圖

元張雨

侍書愛題博士畫日日退朝書滿牀奎章閣上觀政要  
無人知有授經郎

焦永功桑梓圖

明劉三吾

家住滄洲近析津奏聞金闕慰雙親山河一統昇平日  
桑梓連陰浩蕩春親舍舊為鍾秀地將門今見讀書人  
還家定展焚黃禮遙望天東拜紫宸

二窮圖

明周用

一窮圖者誰所圖老而獨他人亦有言有子萬事足孰  
不為父母我生胡不淑堆牀萬卷書無子誰與讀白頭  
東門吳得不吞聲哭鼎鼎徒百年回風掩雙燭再窮圖  
者誰所圖婦之寡由來父母心男婚女云嫁不幸生別  
離誰是無情者燕婉曾幾時掩目黃泉下姪子未分明  
白日沉長夜生女不生男誰與標石馬至今松楸雨清  
淚同霑灑

題董望峰行春圖

明焦竑

莫道閒門雀可羅行邊華髮媚春蘿自探鴻寶身偏健  
遙指青帘興轉多方外定堪司馬老田間誰詫故侯過  
琵琶別有新翻調不唱平原奈樂何

為兒輩題折桂圖

明張鳳翼

聞道姮娥愛年少吾今已老少年身汝輩著鞭休落晚  
及時好作折花人

題百子圖

明張鳳翼

前榮長宜男後庭生益母大兒孔文舉小兒楊德祖森

森竇桂何可擬垂垂海榴不足數房櫳瑞靄兆熊羆百  
子聯翩多白眉輕煙暖護藍田玉微雨膏滋玄澗芝繞  
膝持觴競稱壽汾陽時復一領之

為仲氏題夢筆生花圖

明張鳳翼

年來無夢入京華才盡文通敢漫誇但得池頭重賦草  
不須筆上更開花

題扇面圖贈且翁叔

明張邦奇

金莢雪竇高入雲西有萬頃田畝畝下頭莊邊香稻熟


風景依稀如鹿門小舟棹入焚修橋釣絲搖曳風蕭蕭  
槎湖新水綠於酒擬築糟丘千仞高

呂繩字兄余髫年交也為圖便面以見意

明李日華

年少同學時里社酣杯酒游鞭共騁目處處迷楊柳廿  
載走風塵物態驚回首素心既不移水石盟依舊硯池  
徵繪事仍落搏沙手





御定歷代題畫詩類卷一百十七